



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1847

LXXXV. Des Markgrafen Johann Bestätigung der Stadt Nauen, vom 4. Jan. 1428.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

LXXXV. Des Markgrafen Johann Bestätigung der Stadt Rauen, vom 4. Jan. 1428.

Wir Johans, von gots gnaden marggraue czu Brandenburg vnd Burggraue czu Nuremberg, Bekennen offentlichen mit diesem brieffe für allen den, die dießen vnfern brieff sehn oder horen lesen, das wir den erfamen Burgern czu nawen, vnsern lieben getrewen, die nu sein vnd czu kommend sein, alle ir freiheit, alle ir gerechtigkeit, alle ir gute redlich alte gewonheit vnde alle ir brieffe, die sie von allen vnsern furfaren marggrauen vnde marggraffinn czu Brandenburg von fursten czu fursten biß her gehabt haben vnde noch haben beuestet vnd bestetigt haben, beuesten vnd bestetigen In die auch in craft diecz brieffs, also das wir sie fullen vnde wollen lassen bey solchen obgeschriben freiheiten, gerechtigkeiten, alten redlichen guten gewonheiten, der sie denn brieffe vnd beweifung haben, vnd sie auch behalten bey allen eren vnd gnaden, do sie in uergangen czeiten biß her bey gewesen sein on arg vnd on geuerde. Czu urkund vnd warem bekenntniß haben wir vnser Infigel an diesen brieff hengen lassen, der geben ist czu Berlin, am sontag vor der heiligen dreier kunig tag nach Cristi vnserz herrn geburte viroczehnhundert iar vnd darnach in den achtvndczweinczigsten iaren.

Nach dem Kurmärk. Lehnscopialbuche des K. Geh. Kab. Archioes XVI, 17.

LXXXVI. Markgraf Johann überläßt an Fritzze und Arnd Diricken zu Falkenrede gewisse Hebungen und Rechte daselbst, am 24. Juni 1429.

Wir Johans, von gots gnaden Marggraff czu Brandenburg vnd Burggraff czu Nuremberg, Bekennen offentlichen mit diesem brieffe für vnsern lieben herren vnd uater, für vns, vnser erben vnd nachkommen marggrauen vnd auch funst für allermeniglich, das wir vnsern lieben getrewen fritzezen vnd Arnd direken gebrudern, geseßen czu falkenrede solch czinzse, renthe vnd mit ubersten vnd nidersten gericht in dem dorff falkenrede gelegen mit namen drey scheffel roggen, drey scheffel gersten, czwelff scheffel habern, von sechs hubnern czinzse als funffvndvirczig groschen, allen kofessen dienst vnd kofessen worde, vnd den dinst uber das dorff, als wir den gehabt haben, vnd funst mit allen vnd iczlichen czugehorungen, freiheiten vnd gerechtigkeiten, als die alles von alter biß her mit der herrschafft vnd an vns kommen sein, für hundert schok guter bemischer groschen vnd für dreyßig wipfel habern recht vnd redlichen uerkauft, dasselb gelt vnd den habern sie vns bereit ubergeben vnd bezalt haben, des alles wir sie qwydt, ledig vnd losz sagen, in craft diecz brieffs. Hirumb haben wir den gnanten fritzezen vnd Arnd Direken die obgeschriben ierlich czinse vnd renthe mit ubersten vnd nydersten gericht czu falkenrede czu einen rechten manlehen gelihen vnd leihen In das alles auch czu einen rechten manlehen, was wir In von rechtes wegen daran uerleihen mugen in craft diecz brieffs also das die gnanten fritze vnd Arnd direken vnd ir rechte menlich leibz-erben die obgeschriben ierlich czinse vnd rente, dinst mit ubersten vnd nidersten gericht czu falkenrede nu furbaz allewege meer als offte vnd dicke des nod geschicht von vns vnd der marggraueschafft czu Brandenburg czu einen rechten manlehen haben, nemen, entphaen vnd vns auch dauon halten, dienen vnd ton fullen als manlehns recht vnd gewonheit ist etc. — vnd geben In des czu einen Inwyfzer vnsern lieben getrewen Benedictus direken. Czu urkund haben wir vnz Infigel für vnsern lieben hern vnd uater, für vns, vnser erben vnd nachkommen an diesen brieff wisentlichen